

Celebracion di Himno y Bandera den educacion

Historia di Aruba, figuranan principal, simbolonan di identificacion tur tin nan lugha special den nos educacion na scol nan ya caba for di hopi tempran. E pueblo Arubiano ta uno bastante conciente di su patriotismo y ta celebra esaki for di esun mas chikito te na esun mas grandi. Y loke cu e mucha y hobennan ta haña na scol ta un parti hopi importante di esaki. Riba cada nivel escolar e ta varia, naturalmente, pero cu nan ta haña informacion di esaki ta un hecho. Fuera cu nan ta haña les di e historia di Aruba, nan ta celebra e dia nacional den grandi, un biaha mas esei ta via pa cada scol. Aki ta sigui loke e alumnonan ta haña mas o menos riba cada nivel.

Kleuter school:

E prome cos cu e mucha ta siña canta ta e himno di Aruba. Hopi biaha na no ta domina esaki ainda mucho bon pero nan or canta hunto cu otro. Nan ta siña tambe pa reconoce nan bandera. Esaki ta basicamente loke cu nan ta siña.

Basis School:

Den e prome dos klasnan di scol basico, e muchanan ta siña domina nan himno mas miho y ta siña mas di nan bandera. Aki e lesnan ta bai un tiki mas profundo y nan ta haña un tiki di e historia y figuranan prominente den esaki, peor riba nan propio nivel. Mas e muchanan avansa mas profundo e historia ta bai ya e nivel di informacion ta subi.

Scol Secundario:


Si e hoben scohe den historia den su pakete di materia, e ta sigui profundisa su mes mas riba e historia di Aruba. Nan ta cuminsa haña e 'staats regeling' y mas cos tocante nos statuut y status aparte. Si e no tin esaki den su pakete hopi biaha ta te

eynan e estudiante ta yega cu e historia si e mes no sigui profundisa su mes.

Pa loke ta trata e celebracion e ta varia masha hopi. Na scolnan preparatorio y basico e celebracion hopi biaha ta masha grandi mes. Unda e muchanan ta traha pro chempel pechi di nan bandera, of ta pinta nan escudo y mucho otro cos mas. Den scol nan

secundario e ta varia pa cada scol. Ta depende con yen e curiculo di e scol ta, of si nan a plania e celebracion aki, si no varios biaha e ta pasa sin cu nan ta corda riba dje.

Pero e todo caso nos por ripara cu e celebracion di nos di Himno y Bandera ta uno grandi tambe den nos educacion.



*"Nos bandera,
nos identidad!"*



"Ban celebra nos 30 aniversario di Himno y Bandera cu hopi orguyo.

Aruba, PABIEN!"

Aruba ta mi isla, Aruba Bank ta mi banco.

www.arubabank.com

Arubabank®
understands